

Tunngaviusumik atuarfiit namminersortitat angerlarsimaffimmilu atuartaaneq il.il. pillugit Inatsisartut inatsisaata allanngortinnissaa pillugu Inatsisartut inatsisissaattut siunnersuut

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

ISUMALIUTISSIISSUTAA

(Tapiissutinik naatsorsuineq, PPR-ip aamma annertusisamik immikkut atuartsinerit kommuninut tunniunneqarnerisa kingunerisat allanngorneri, il.il) m.v.)

Siunnersuutip aappassaanerreqarnerani saqqummiunneqartoq

Ataatsimiititalia suliaqarnermi ukuninnga inuttaqarpoq:

Hans Aronsen, (IA), Siulittaasoq
Jørgen-Ole Nyboe Nielsen, (D), Siulittaasup tullia
Harald Bianco, (IA)
Ruth Heilmann, (S)
Aleqa Hammond, (S)

Siunnersuut ulloq 9. oktober 2012 inatsisartuni siullermeerneqarnerata kingorna ataatsimiititaliamit misissorneqarpoq.

Siunnersuutip imarisaa siunertaalu.

Tunngaviusumik atuarfiit namminersortitat angerlarsimaffimmilu atuartaaneq il.il. pillugit Inatsisartut inatsisaat nr. 10, 15. april 2003-meersoq malillugu kommunit tunngaviusumik atuarfinnut namminersortitanut tapiissuteqartarnerat pillugu maleruaqqusat erseqqissuunngitsutut paasineqarnerat aallaavigalugu siunnersuut suliarineqarpoq. Tamatumunnga pissutaavoq, inatsisip atuutilerneraniilli ataatsimoortumik tapiissutit tunniunneqartarnerinut tunngaviit allanngortinneqarsimanerat.

Taamaattumik siunnersuummi siunertarineqarpoq qulakkiissallugu, tunngaviusumik atuarfiit namminersortitat, naak tapiissutitut tunngavissat allanngortinneqaraluartut inatsisit akuerineqassappat tamatuma nalinganik atuartut ataasiakkaarlugit tapiiffigineqartarnissaannik.

Taamaammat siunnersuutigineqarpoq, aningaasat atuartumut ataatsimoortumik tapiissutissat 2008-mi akinik aningaasarsianillu aaqiisarnermut assingusut 2013-imi qaffasissusissaattut annertutigisut toqqorneqassasut, tassa siunnersuutip 2013-imi januaarip aallaqqaataani atuutsinneqalernissaata siunnersuutigineqarnera pissutigalugu. Ilutigalugu siunnersuutigineqarpoq, kommuninut ataatsimoortumik tapiissutit aqutigalugit akinik aningaasarsianillu aaqiisarneq assigalugu siunnersuummi aningaasat pineqartut akinut aningaasarsianullu naleqqussarlugit aaqinneqartassasut.

Ilanngullugulu Kommunit 1. Januar 2012 aallarnerfigalugu PPR-mik immikkullu atuartitsinermik tigusinerannut atatillugu pisariaqartinneqarpoq kingunissaritinneqartunik allannguinnissaq.

Naggataatigullu sunnersuutigineqarpoq Naalakkersuisut tunngaviusumik atuarfiit namminersortitani atuartut amerlassusaasa ikinnerpaaffissaliinissaannut pisinnaatinneqarnissaannik.

Siunnersuutip inatsisartuni siullermeeneqarnera

Inuit Ataqatigiit

Inuit Ataqatigiit siunnersuut taamatut isikkoqartillugu tamakkiisumik taperserpaat.

Siumut

Siumup siunnersuut taamatut isikkoqartillugu taperserpaat.

Demokraatit

Demokraatit siunnersuut taamatut isikkoqartillugu tamakkiisumik taperserpaat.

Atassut

Atassutip siunnersuut taamatut isikkoqartillugu tamakkiisumik taperserpaat.

Kattusseqatigiit Partiiat

Kattusseqatigiit Partiiata siunnersuut taamatut isikkoqartillugu taperserpaat.

Tusarniaatitsinermi akissutit

Siunnersuut piffissammi junip 1-niit julip 6-ata 2012, tungaanut tusarniutigineqarsimavoq, tusarniaanermilu akissutit ilanngussaq 1-tut ilanngunneqarsimasut innersuussutigineqarput.

Maluginiarneqassaaq, tusarniaanermi akissutit siunnersuummut allanguinissamut pissutissaqartitsisimanngimmata. Kisiannili tusarniaanermi akissutit tunngavigalugit inatsissatut siunnersuummut erseqqissaassutinik ilassutissanillu ataasiakkaanik ilanngussisoqarpoq.

Tusarniaaffigineqarsimasut katillugit 49-upput, taakkunannga 13-it akissuteqarsimallutik.

Siunnersuummik ataatsimiititaliap suliarinninnera**Siunnersuutip aningaasatigut kingunissai**

Namminersorlutik Oqartussanut imaluunniit kommuninut aningaasatigut allaffissornerniluunniit siunnersuut kinguneqassanngilaq.

Inuttaasunut siunnersuut aningaasatigut kinguneqassanngilaq

Aningaasat 2008-misut qaffasitsigisumik akinut aningaasarsianullu aaqinneqartarnissaannut pissutaavoq, 2008 tassaamat ukioq kingulleq ataatsimoortumik tapiissuteqariaatsimut inatsisip atuutsinneqalernerani atuuttumut naapertuuttumik ataatsimoortumik tapiissutit naatsorsorneqarfiat.

Tamatununga atatillugu eerseqqissaatigineqassaaq, Sermersooq Kommuniata 2009-mili Tunngaviusumik atuarfiit namminersortitat angerlarsimaffimmilu atuartitaaneq pillugit inatsisit imatut paasisarsimmagat, kommunip meeqqanut atuartumut ataatsimut tapisiarisartagaasa annertussusaattut. Aningaasat taakku siunnersuutigineqartumit qaffasinnerungaatsiarput. Taamaattumillu kommunimut tapiissutigineqartartut annikillisinneqassagaluarpata Nuummi kommunip Tunngaviusumik atuarfik namminersortitaani pissutsit ajorserniarnerinik kinguneqarsinnaalluni. Erseqqissaatigineqassaarli maannakkutut tapiisarneq pillugu inatsisit tunngavigalugit tapiisarnermik annertunerusunik suli kommuni tapiissuteqarsinnaammat.

Ataatsimiititaliap inassuteqaataa

Tamanna tunngavigalugu **ataatsimiititaliap isumaqatigiittup siunnersuut akuerisassanngortippaa.**

Taamatut oqaaseqarluni isumaliutissiisummilu allassimasunut paasinnilluni ataatsimiititaliap siunnersuut aappassaanniigassanngortippaa.

Hans Aronsen
Siulittaasoq

Jørgen-Ole Nyboe Nielsen
Siulittaasup tullia

Harald Bianco

Ruth Heilmann

Aleqa Hammond